



Broj: 27-04-04-37422/23
Sarajevo, 04.09.2023. godine

Na osnovu Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“, broj: 15/23), Odluke Vlade Kantona Sarajevo o usvajanju Programa utroška s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2023. godinu („Službene novine Kantona Sarajevo“, broj: 20/23) i Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22), ministar za nauku, visoko obrazovanje i mlade Kantona Sarajevo objavljuje

JAVNI POZIV
za sufinansiranje udruženja/neprofitnih organizacija i studentskih organizacija za
projekte za mlade iz Budžeta Kantona Sarajevo za 2023. godinu
(II DIO)

I - Predmet Javnog poziva

Predmet Javnog poziva je dodjela novčanih sredstava iz Budžeta Kantona Sarajevo za 2023. godinu za udruženja/neprofitne organizacije i studentske organizacije za projekte za mlade za 2023. godinu.

Za ovaj Javni poziv u Budžetu Kantona Sarajevo za 2023. godinu osigurano je **35.000,00 KM** u svrhu podrške mladima na području Kantona Sarajevo.

II – Udruženja/neprofitne organizacije mogu aplicirati na jedan od sljedećih programa:

1. PROGRAM - Mobilnost mladih

Mobilnost mladih u cilju uvezivanja mladih sa svojim vršnjacima unutar i van svoje zemlje, koji će doprinijeti jačanju njihovog položaja kako bi postali aktivni građani i poticali međukulturalni dijalog.

2. PROGRAM - Mladi, urbano planiranje i zaštita okoliša

Promocija zelene ekonomije, aktivnosti koje potiču mlade za očuvanje i poboljšanje zaštite okoliša i uključivanje mladih u razvoj lokalne zajednice.

3. PROGRAM – Psihofizičko zdravlje mladih

Aktivnosti u cilju jačanja i unapređenja psihofizičkog zdravlja mladih (prevencija anksioznosti, stresa, depresije, zlostavljanja i drugih psiholoških poteškoća mladih).



III – Pravo na dodjelu sredstava imaju:

- Udruženja/neprofitne organizacije koje ispunjavaju opšte i posebne uslove u skladu sa Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22)
- Omladinske organizacije, tj. organizacije mladih koje u upravljačkoj strukturi imaju mlade osobe;
- organizacije koje rade s mladima;
- organizacije koje ne rade s mladima, ali pod uslovom da apliciraju za sredstva za projekat koji će realizovati u saradnji sa omladinskom organizacijom;
- studentske organizacije koje su registrovane u Registru studentskih organizacija u skladu sa Zakonom o studentskom organizovanju („Službene novine Kantona Sarajevo“, broj: 11/10) i Pravilnikom o registru studentskih organizacija na području Kantona Sarajevo („Službene novine Kantona Sarajevo“, broj: 47/14) i koje su izvršile ažuriranje podataka u registru, u skladu sa aktom Ministarstva za nauku, visoko obrazovanje i mlade Kantona Sarajevo, broj: 27-04-04-31704/22 od 18.08.2022. godine.

Udruženja/neprofitne organizacije po ovom javnom pozivu mogu kandidovati isključivo jedan projektni prijedlog za jedan od tri programa.

Na osnovu ovog javnog poziva mogu biti sufinansirani projekti čija je realizacija započela u 2023. godini, a okončat će se u roku od 6 mjeseci od zaključenja ugovora između korisnika sredstava i Ministarstva za nauku, visoko obrazovanje i mlade Kantona Sarajevo.

Projekat će se vrednovati na osnovu sljedećih kriterija:

- da se realizira na području Kantona Sarajevo i da je usmjeren na ostvarivanje prava mladih životne dobi od 15 do 30 godina u skladu sa Zakonom o mladima Federacije Bosne i Hercegovine („Službene novine Federacije BiH“, broj: 36/10);
- da je usmjeren na zadovoljavanje potreba mladih sa područja Kantona Sarajevo i da je projekat u skladu sa jednim od tri navedena programa – Mobilnost mladih, Mladi, urbano planiranje i zaštita okoliša; Psihofizičko zdravlje mladih (Programi su u skladu sa strateškim ciljevima definisanim u Strategiji prema mladima Kantona Sarajevo za period 2019 - 2023. godine);
- da su precizno definisani rezultati projekta i njihov direktni i indirektni uticaj na ciljne grupe mladih ljudi, odnosno da su jasno definisani direktni i indirektni korisnici projekta;
- da je jasno identificirana potreba za realizacijom projekta, odnosno da je jasno objašnjeno koje probleme će projekat fokusirati, odnosno kako će njegovi rezultati uticati na rješavanje potreba i problema mladih Kantona Sarajevo;
- da je jasno preciziran sadržaj rezultata projekta (oblikovani na način kako je to opisano u okviru definisanja predmeta ovog poziva), kao i vremenski plan aktivnosti koje je neophodno provesti da bi se projekat realizirao, a što uključuje i plan usmjeren na jačanje vidljivosti, kako projekta, tako i rezultata projekta;
- da postoji ekonomska opravdanost – finansijski plan/budžet projektnog prijedloga;
- podnosilac aplikacije za realizaciju projekta obavezan je osigurati minimalno 20% finansijskih sredstava iz vlastitih ili drugih izvora od ukupnih finansijskih sredstava potrebnih za realizaciju projekta. Odobrena sredstva aplikant može koristiti za administrativne i personalne troškove maksimalno 20%, odnosno projektne aktivnosti minimalno 80%.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

Podnosioci prijave trebaju ispunjavati opće uslove i odgovarajuće dokaze kako bi mogli konkurisati za dodjelu sredstava, a odnose se na sljedeće:

- a) upis u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva,
- b) uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključivali ugovore),
- c) uredno ispunjavanje obaveza poreza i doprinosa,
- d) da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela,
- e) za podnosioca prijave koji su neprofitne organizacije, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.

- Podnosioci prijave trebaju ispunjavati i posebne uslove na osnovu kojih se ocjenjuju prijave, a odnose se na:

- a) usklađenost ciljeva, programa ili projekta sa ciljevima i prioritetnim oblastima iz strateških dokumenata iz kojih su izvedeni prioriteti za dodjelu sredstava,
- b) organizacijske i finansijske kapacitete podnosilaca prijave,
- c) dosadašnje iskustvo podnosilaca u provođenju istog ili sličnih aktivnosti/programa/projekata,
- d) učešće drugih partnera u realizaciji i njihovi kapaciteti i dosadašnje iskustvo (ukoliko su predviđeni pozivom),
- e) kvalitet planiranih aktivnosti i metode provođenja, te njihova povezanost sa problemima koji su bili osnov za utvrđivanje prioriteta, a koji se nastoje riješiti provođenjem aktivnosti/programa/projekta,
- f) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata razrađeni po izvorima finansiranja, indirektni troškovi provođenja aktivnosti/programa/projekata,
- g) informacije o rizicima i mogućim problemima u provedbi aktivnosti/programa/projekta,
- h) održivost aktivnosti/programa/projekta (obim u kojem će se rezultati provedenih programa i projekata nastaviti koristiti od strane krajnjih korisnika),
- i) uticaj aktivnosti/programa/projekata, odnosno koje se promjene očekuju od njihovog provođenja,

- j) obrasce za prijavu aktivnosti/programa/projekta (obrazac za opis i obrazac za budžet aktivnosti/programa/projekta sa traženim elementima),
- k) popis priloga, odnosno dodatne dokumentacije koju je potrebno priložiti uz prijavu (listu dokumenata koji trebaju da budu dostavljeni kako bi se pružili dokazi o ispunjavanju svih uslova, izjave o nepostojanju višestrukog finansiranja i sufinansiranja i sl.),
- l) dokumentaciju kao informaciju u slučaju odabira aktivnosti/programa/projekta za finansiranje i sufinansiranje (nacrt ugovora, obrasci za opisno i finansijsko izvještavanje).

IV - Prijavna dokumentacija

Prijava na Javni poziv podnosi se na propisanim obrascima, koji su objavljeni u prilogu ovog Javnog poziva.

- 1) *Obrasci UNO - 23/1, UNO - 23/2 i UNO - 23/3* – potpisani od strane osobe ovlaštene za zastupanje udruženja/neprofitne organizacije i ovjeren pečatom udruženja/neprofitne organizacije ili studentske organizacije)
- 2) ovjerena kopija uvjerenja iz Registra udruženja sa datumom izdavanja koji nije stariji od 3 mjeseca od dana objavljivanja Javnog poziva;
- 3) ovjerena kopija uvjerenja o poreskoj registraciji - ID broj;
- 4) program rada i finansijski plan udruženja/neprofitne organizacije za 2023. godinu i odluku nadležnog tijela prema osnivačkom aktu o usvajanju Programa rada i finansijskog plana udruženja/neprofitne organizacije za 2023. godinu;
- 5) ovjerena kopija uvjerenja o izmirenim poreskim obavezama udruženja/neprofitne organizacije i o izmirenim porezima i doprinosima za zaposlenike, sa datumom izdavanja koji nije stariji od 3 mjeseca od dana objavljivanja Javnog poziva. Udruženje/neprofitna organizacija koja nema zaposlenike, pored dostavljenog Uvjerenja o izmirenim poreskim obavezama udruženja/neprofitne organizacije, dostavlja izjavu potpisanu od strane ovlaštene osobe za zastupanje u pravnom prometu i ovjerenu pečatom udruženja/neprofitne organizacije da nema zaposlenika sa datumom izdavanja koji nije stariji od 3 mjeseca od dana objavljivanja Javnog poziva;
- 6) ovjerena kopija bilans stanja i bilans uspjeha za 2022. godinu ovjereni od strane nadležne poreske uprave za prethodnu godinu. Udruženja/neprofitne organizacije koje su registrovane u 2023. godini nisu dužne dostaviti bilans stanja i uspjeha za 2022. godinu;
- 7) dokaz o uredno dostavljenom izvještaju o utrošku dodijeljenih sredstava za projekte po javnim pozivima za prethodnu godinu sa pozicije Ministarstva za nauku, visoko obrazovanje i mlade Kantona Sarajevo i od drugih organa uprave Kantona Sarajevo (potvrda nadležnog ministarstva ili Službe za protokol Kantona Sarajevo o prijemu izvještaja o utrošku sredstava). Ukoliko za projekat nije ostvareno pravo na sufinansiranje od drugih organa uprave Kantona Sarajevo, potrebno je dostaviti pisanu izjavu potpisanu od strane osobe ovlaštene za zastupanje udruženja/neprofitne organizacije u pravnom prometu i ovjerenu pečatom udruženja/neprofitne organizacije;
- 8) izjava o ukupnom broju članova udruženja/neprofitne organizacije i strukturi organizacije potpisana od strane osobe ovlaštene za zastupanje udruženja/neprofitne organizacije u pravnom prometu i ovjeren pečatom udruženja/neprofitne organizacije sa datumom izdavanja koji nije stariji od 3 mjeseca od dana objavljivanja Javnog poziva;



- 9) izjava potpisana od strane osobe ovlaštene za zastupanje udruženja/neprofitne organizacije u pravnom prometu i ovjerenu pečatom udruženja/neprofitne organizacije da za projekat koji dostavlja u 2023. godini nisu već odobrena sredstva od strane drugih organa uprave Kantona Sarajevo ili od organa uprave na bilo kojem nivou vlasti u Bosni i Hercegovinom (ne starija od tri mjeseca od dana objavljivanja Javnog poziva);
- 10) izjava da se protiv podnosioca prijave, odnosno lica ovlaštenog za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
- 11) izjava osobe ovlaštene za zastupanje udruženja/neprofitne organizacije u pravnom prometu potpisana i ovjerena pečatom udruženja/neprofitne organizacije da je podnosilac aplikacije za realizaciju projekta osigurao minimalno 20% finansijskih sredstava iz vlastitih ili drugih izvora sa finansijskim planom projekta koji kandiduje i da je projekat počeo ili počinje u 2023. godini i završava u roku od 6 mjeseci od zaključenja ugovora o dodjeli sredstava;
- 12) za podnosioca prijava koje su neprofitne organizacije, a na koje je preneseno javno ovlaštenje, internim aktom uspostavljen je model dobrog finansijskog upravljanja i kontrole u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine FBiH“, broj: 38/16), način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.

VI – Način prijavljivanja, mjesto i rok za dostavu prijave na Javni poziv

Prijava na javni poziv obavezno se podnosi u formi popunjenih obrazaca koji su sastavni dio ovog javnog poziva i koji se mogu preuzeti sa internet stranice Ministarstva (www.mon.ks.gov.ba). Prijave koje ne budu podnesene u formi propisanih obrazaca i koje ne budu potpuno i ispravno popunjene, smatrat će se neurednim i takve prijave će biti isključene iz daljnje procedure dodjele sredstava.

Dokumenti se dostavljaju u originalu ili ovjerenoj kopiji. Sve kopije dokumenata moraju biti ovjerene od nadležne općinske službe ili notara, a obrasci i izjave moraju biti potpisane od strane osobe ovlaštene za zastupanje udruženja/neprofitne organizacije u pravnom prometu i ovjerene pečatom udruženja/neprofitne organizacije. Ukoliko izjave/obraci **ne budu ovjereni**, kao ni potpisani i ovjereni pečatom udruženja/neprofitne organizacije kako je traženo ili ukoliko isti ne budu popunjeni shodno traženom, prijava će biti isključena iz daljnje procedure dodjele sredstava.

Javni poziv je otvoren 20 dana od dana objavljivanja u dnevnom listu i internet stranici Ministarstva za nauku, visoko obrazovanje i mlade Kantona Sarajevo.

Prijava na javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ**“ na protokol Kantona Sarajevo ili putem pošte na adresu:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE
Prijava na Javni poziv za sufinansiranje udruženja/neprofitnih organizacija
i studentskih organizacija za projekte za mlade iz
Budžeta Kantona Sarajevo za 2023. godinu
(UZ OBAVEZNU NAZNAKU PROGRAMA)
Ul. Reisa Džemaludina Čauševića br 1
71 000 Sarajevo
Sa naznakom podataka o aplikantu (naziv i adresa)

Neblagovremene, nepotpune i neuredne prijave neće biti razmatrane. Prijava koja ne bude podnesena u zatvorenoj koverti sa naznačenim podacima se neće razmatrati.

Pregled, odnosno razmatranje pristiglih prijava na Javni poziv i utvrđivanje preliminarne rang liste projekata koji će se finansirati iz Budžeta Kantona Sarajevo za 2023. godinu, sa pozicije Ministarstva za nauku, visoko obrazovanje i mlade Kantona Sarajevo, izvršit će Komisija koju imenuje ministar za nauku, visoko obrazovanje i mlade Kantona Sarajevo.

Kontakt osoba:

Nina Tirić, stručna saradnica za podršku mladima
033/562-031



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

6/6